



## ORDENANZA FISCAL °N 1

### IMPOSTO SOBRE VEHÍCULOS DE TRACCION MECÁNICA

#### I NORMATIVA APLICABLE

##### Artigo 1º

Por medio da presente Ordenanza fiscal, regúlase neste termo municipal o Imposto sobre Vehículos de Tracción Mecánica, de conformidade co establecido no RDLEG 2/2004, de 5 de marzo, polo que se aproba o texto refundido da lei reguladora das Facendas Locais.

#### II NATUREZA E FEITO IMPOÑIBLE

##### Artigo 2º

1. O Imposto sobre Vehículos de Tracción Mecánica é un tributo directo que grava a titularidade dos vehículos desta natureza, aptos para circular polas vías públicas, calquera que sexa a súa clase ou categoría.
2. Considérase vehículo apto para a circulación o que fora matriculado nos rexistros públicos correspondentes e mentres non cause baixa nos mesmos. Ós efectos deste imposto tamén se considerarán aptos os vehículos provistos de permisos temporais e matrícula turística.
3. Non están suxeitos a este imposto:
  - a) Os vehículos que sendo dados de baixa nos rexistros pola antigüidade do seu modelo, poidan ser autorizados para circular excepcionalmente con ocasión de exhibicións, certames ou carreiras limitadas ós desta natureza.
  - b) Os remolques e semirremolques arrastrados por vehículos de tracción mecánica cuxa carga útil non sexa superior a 750 kilogramos.

#### III EXENCIONES

##### Artigo 3º

1. Estarán exentos do imposto:
  - a) Os vehículos oficiais do Estado, Comunidades Autónomas e Entidades Locais adscritos á defensa nacional ou á seguridade cidadá.
  - b) Os vehículos de representacións diplomáticas, oficinas consulares, Axentes diplomáticos e funcionarios consulares de carreira acreditados en España, que sexan súbditos dos respectivos países, externamente identificados e a condición de reciprocidade na súa extensión e grao.  
Asemesmo, os vehículos dos Organismos internacionais con sé ou oficina en España e dos seus funcionarios ou membros con estatuto diplomático.
  - c) Os vehículos respecto dos cales así se derive dos disposto en Tratados ou Convinos Internacionais.
  - d) As ambulancias e demais vehículos directamente destinados á asistencia ou ó traslado de feridos ou enfermos.



- e) Os vehículos para persoas de mobilidade reducida a que se refire a letra A do Anexo II do Regulamento Xeral de Vehículos, aprobado por Real Decreto 2822/1998, de 23 de decembro. Trátase de vehículos que teñen unha tara non superior a 350 Kg e que, por construción, non poden alcanzar en chan unha velocidade superior a 45 km/h, proxectados e construídos especialmente (e non meramente adaptados) para o uso de persoas con algunha disfunción ou incapacidade física.

Asemesmo están exentos os vehículos matriculados a nome de minusválidos para o seu uso exclusivo. Esta exención aplicarase en tanto se manteñan ditas circunstancias, tanto ós vehículos conducidos por persoas con discapacidade como ós destinados ó seu transporte.

As exencións previstas nos parágrafos anteriores non resultarán aplicables ós suxeitos pasivos beneficiarios das mesmas por máis dun vehículo simultaneamente.

A efectos do disposto neste parágrafo, considéranse persoas con minusvalía quenes teñan esta condición legal en grao igual ou superior ó 33%.

- f) Os autobuses urbanos adscritos ó servizo de transporte público en réxime de concesión administrativa outorgada polo municipio da imposición.
- g) Os tractores, remolques, semirremolques e maquinaria provistos da Cartilla de Inspección Agrícola.

2. Para poder gozar das exencións a que se refiren os parágrafos e) e g) do apartado 1 do presente artigo os interesados, deberán instar a súa concesión indicando as características do vehículo, a súa matrícula e causa do beneficio.

Os interesados deberán acompañar á súa solicitude a seguinte documentación:

- a) No suposto de vehículos matriculados a nome de minusválidos para o seu uso exclusivo:
- Fotocopia compulsada do permiso de circulación.
  - Fotocopia compulsada do Certificado de Característica Técnica do Vehículo.
  - Fotocopia compulsada do carné de conducir (anverso e reverso).
  - Fotocopia compulsada da declaración administrativa de invalidez ou diminución física expedida polo Organismo ou Autoridade competente.
  - Xustificación documental do destino do vehículo ante o Concello da imposición, nos seguintes termos:
    - Declaración do interesado.
    - Certificado de empresa.
    - Tarxeta de estacionamento para vehículos que transportan persoas con mobilidade reducida.
    - Calquera outros certificados expedidos por Autoridade ou persoa competente.
- b) No suposto dos tractores, remolques, semirremolques e maquinaria agrícola:
- Fotocopia compulsada do permiso de circulación.
  - Fotocopia compulsada do Certificado de Características Técnicas do Vehículo.
  - Fotocopia compulsada da Cartilla de Inscripción Agrícola expedida a nome do titular do vehículo.



Non procederá a aplicación desta exención, cando pola Administración municipal se comprobe que os tractores, remolques ou semirremolques de carácter agrícola se dediquen ó transporte de produtos ou mercancías de carácter non agrícola ou que non se estime necesario para explotacións de dita natureza.

Declarada a exención pola Administración municipal, expedirase documento que acredite a súa concesión.

#### IV SUXEITOS PASIVOS

##### Artigo 4º

Son suxeitos pasivos deste imposto as persoas físicas ou xurídicas e as entidades a que se refire o artigo 33 da Lei Xeral Tributaria, ó nome que conste o vehículo no permiso de circulación.

#### IV COTA

##### Artigo 5º

De conformidade co previsto no artigo 95 do RDLEG 2/2004, de 5 de marzo, polo que se aproba o texto refundido da lei reguladora das facendas locais, o cadro de tarifas vixente neste Municipio será o seguinte:

TARIFA	
POTENCIA E CLASE DE VEHÍCULOS	COTA ANUAL EUROS
<b>A) TURISMOS:</b>	
De menos de 8 cabalos fiscais	12,62 €
De 8 ata 11,99 cabalos fiscais	34,08 €
De 12 ata 15,99 cabalos fiscais	71,94 €
De 16 ata 19,99 cabalos fiscais	89,61 €
De 20 máis cabalos fiscais	112,00 €
<b>B) AUTOBUSES:</b>	
De menos de 21 prazas	83,30 €
De 21 a 50 prazas	118,64 €
De máis de 50 prazas	148,30 €
<b>C) CAMIÓNES:</b>	
De menos de 1.000 Kg. de carga útil	42,28 €
De 1.000 a 2.999 Kg. de carga útil	83,30 €
De máis de 2.999 Kg. de carga útil	118,64 €
De máis de 9.999 Kg. de carga útil	148,30 €
<b>D) TRACTORES:</b>	
De menos de 16 cabalos fiscais	17,67 €



De 16 a 25 cabalos fiscais	27,77 €
De máis de 25 cabalos fiscais	83,30 €
<b>E) REMOLQUES E SEMIRREMOLQUES ARRASTRADOS POR VEHÍCULOS DE TRACCIÓN MECÁNICA:</b>	
De menos de 1.000 e máis 750 kg. de carga útil	17,67 €
De 1.000 a 2.999 kg. de carga útil	27,77 €
De máis de 2.999 kg. de carga útil	83,30 €
<b>F) OUTROS VEHÍCULOS:</b>	
Ciclomotores	4,42 €
Motocicletas ata 125 cc.	4,42 €
Motocicletas de máis de 125 ata 250 cc.	7,57 €
Motocicletas de máis de 250 ata 500 cc.	15,15 €
Motocicletas de máis de 500 ata 1.000 cc.	30,29 €
Motocicletas de máis de 1.000 cc.	60,58 €

## VII PERÍODO IMPOSITIVO E DEVENGO

### Artigo 6º

1. O período impositivo coincide co ano natural, salvo no caso de primeira adquisición dos vehículos. Neste caso o período impositivo comezará o día en que se produza dita adquisición.
2. O imposto devéngase o primeiro día do período impositivo.
3. O importe da cota do imposto prorratearase por trimestres naturais nos casos de primeira adquisición ou baixa do vehículo. Tamén procederá o prorrateo da cota nos mesmos termos nos supostos de baixa temporal por subtracción ou roubo de vehículo, e isto dende o momento en que se produza dita baixa temporal no Rexistro público correspondente.

## VII XESTIÓN

### Artigo 7º

1. Normas de xestión.
1. Corresponde a este Concello a xestión, liquidación, inspección e recadación, así como a revisión dos actos dictados en vía de xestión tributaria dos vehículos que, nos correspondentes permisos de circulación, consten domiciliados no Municipio de Paderne, en base ós disposto no artigo 97 do RDLEY 2/2004 de 5 de marzo.
2. Nos supostos de adquisición e primeira matriculación dos vehículos ou cando estes se reformen, de maneira que altere a súa clasificación ós efectos do presente Imposto, os suxeitos pasivos presentarán ante a Administración municipal e con carácter previo á súa matriculación na Xefatura Provincial de Tráfico



autoliquidación a cuxo efecto cumprimentarase o impreso aprobado por este Concello facendo conta-los elementos tributarios determinantes da cota a ingresar.

Acompañarase:

- Documentación acreditativa da compra ou modificación do vehículo.
- Certificado de Características Técnicas.
- DNI ou CIF do suxeito pasivo.

A liquidación poderase presentar polo interesado ou polo seu representante.

Simultaneamente á presentación da autoliquidación, o suxeito pasivo ingresará o importe da cota de Imposto resultante da mesma.

Esta autoliquidación terá a consideración de liquidación provisional, en tanto que pola Administración municipal non se comprobe que a mesma se efectuou mediante a correcta aplicación das normas reguladoras do Imposto.

A oficina xestora, tras verificar que o pago se fixo na contía correcta, deixará constancia da verificación no impreso de declaración.

3. Nos supostos de vehículos xa matriculados ou declarados aptos para circular, o Imposto xestiónase a partir do Padrón anual do mesmo.

As modificacións do Padrón fundamentaranse nos datos do Rexistro de Tráfico e nas Comunicacións da Xefatura de Tráfico relativas a altas, baixas, transferencias, reformas dos vehículos, sempre que se altere a súa clasificación a efectos deste Imposto, e cambios de domicilio.

O Padrón do Imposto expoñerase ó público por un prazo dun mes para que os interesados poidan examinalo e, no seu caso, formula-las reclamacións oportunas. A exposición ó público do Padrón anunciarase no Boletín Oficial da Provincia e producirá os efectos de notificación da liquidación a cada un dos suxeitos pasivos.

O prazo de ingreso das débedas de cobro por recibo notificacións colectivamente determinarase cada ano e anunciarase publicamente no Boletín Oficial da Provincia e no taboleiro de anuncios do Concello.

Finalizado o prazo de pago voluntario sen que a débeda se satisfacera, iniciarase o período executivo de recadación, o que comportará o devengo do recargo do 20% do importe da débeda non ingresada, así como o dos intereses de demora correspondente.

Dito recargo será do 10% cando a débeda se ingrese antes de que sexa notificada a Providencia de apremio.

Non obstante, unha vez abonada a cota do Imposto, se algún contribuínte se cre con dereito á devolución poderá solicitala dentro do prazo determinado ó efecto e por algunha das causas previstas na Lexislación vixente.

2. Altas, baixas, reformas dos vehículos cando se altera a súa clasificación ós efectos do Imposto, transferencias e cambios de domicilio.



1. Quenes soliciten ante a Xefatura Provincial de Tráfico a matriculación ou a certificación de aptitude para circular un vehículo, deberán acreditar previamente o pago do imposto.
2. Os titulares dos vehículos, cando comuniquen á Xefatura Provincial de Tráfico a reforma dos mesmos, sempre que altere a súa clasificación a efectos deste imposto, así como tamén nos casos de transferencia, de cambio de domicilio que conste no permiso de circulación do vehículo, ou de baixa de ditos vehículos, deberán acreditar previamente ante a referida Xefatura Provincial o pago do último recibo presentado ó cobro do imposto, sen prexuízo de que sexa esixible, por vía de xestión e inspección, o pago de tódalas débedas por dito concepto, devengadas, liquidadas, presentadas ó cobro e non prescritas. Exceptúase da referida obriga de acreditación o suposto das baixas definitivas de vehículos con quince ou máis anos de antigüidade.
3. As Xefaturas Provinciais de Tráfico non tramitarán os expedientes se non se acredita previamente o pago do imposto, nos termos establecidos nos apartados anteriores.

#### **Disposición adicional única**

As modificacións producidas pola Lei de Orzamentos Xerais do Estado ou calquera outra norma de rango legal que afecten a calquera elemento do presente imposto, serán de aplicación automática dentro do ámbito desta Ordenanza.

#### **Disposición final única**

A Presente Ordenanza fiscal, aprobada polo Pleno deste Concello en sesión celebrada o -----, entrará en vigor no momento da súa publicación íntegra no Boletín Oficial da Provincia, e será de aplicación a partir do 1 de xaneiro do ano 2006 permanecendo en vigor ata a súa modificación ou derogación expresa.